

zum aller vesten / da sehr wenig oder keine seindt. Dañ so die nicht verhandenn / so haben die stein vhaß kein wasser / das sie lindt heuwig gemacht werden. Aber doch das vestest des hangendens oder ligendens gsteins ist saltenn so vest / als der gang. Aber die bergtheuwer hauwen auß den schnärtigen gang allein mitt der keillhauwen. So aber das arz noch nicht verhanden / so zerteilen sie den gang von dem gstein / des hangendens nicht / so es aber auß gericht ist / so thündt sie nuhn die arbeit gang vorsichtiglich. Dañ sie hauwendt erstmalen das gstein des hangendens / sonderlich von dem gang / darnach werffen sie ein schnärtigen gang vom ligendenn / mitt der keillhauwen in die bergtrög / so darunder gesezt / das nicht etwas arz auff den herdt falle: den vhesten gang aber hauwen sie auß von dem ligenden mitt den bergkeisen / daran sie die handt feustell schlahen / vnd eben mitt solchem hauwendt sie auch auß / das vest gstein des hangendens / dañ sein gstein wirt öfter außghauwē dañ des ligendens. Vñ als dañ so es das eisen annimpt / das gstein aber des hangendenn / mitt keinem eisen mag durchghauwē werdē / auch nicht mit feur gwoñen. Aber ein vesteren gang der sich hauwen leßt / auch ein vesters oder noch vesters gstein des hangendenn / gwinndt sie mitt sterckerē bergkeisen / nemlich mit dem feimmell also genädt. Wo sie aber die nicht habēdt / so brauchēdt sie zu sampt zwey od drey berg eisen / damit sie das gstein gwinen: den vesten gang aber der von arz reich ist / vñ aber doch sich nicht hauwen lasset / so es inen die gwercken d nächsten grüben zulassendt / so sezendt sie: so sie aber dz nicht zugeben / wan sie von aller erst das gstein des hangendens oder ligendenn / so es nicht zu vest ist / ein wenig ob dem gang außghauwē habendt / so legendt sie tröm / die das hangendt oder ligendt einschliessendt / darnach / dauornē vnd am oberen teil da der gang mitt kleiner rizen von einander knitt / hauwen sie ritz mitt dem bergkeisen / vnd legendt als dañ in ein jettlichen ritz vier plöz / vnd hinder sich so viel feder / damit es also in einander gschlossen / dest vester halten möge / darnach zwüschen zweien plözen legendt sie keyll / vñ schlahendt daran mitt dē feustell / daruon d gang ein schar pffen thon gibt. Aber so nuhn ein wandt geworffen wirt / so wirt der thon vnd krachen gehört. Diser aber als bald er zunymet / so lauffendt die bergtheuwer schnell daruon / aber ein groß krachen vñ getöß wirt gehört / so der gang durchbrochen / hernider felle / vñnd mitt diser weiß / werffendt sie ein stuck vom gang hernider / welchs bey hundert pfundē / mehr oder weniger schwär ist. Wan aber die bergtheuwer / dē aller vesten gang so von arz reich ist / anders außhauwendt so bleibendt seck / die hernachmals kaum oder nimmer außghauwen mögen werden. Aber die bergtheuwer so sie nicht feur an ein gnüß oder mispückell das kein arz hatt / legen dörsffen / so vmbghondt sie dasselbig / vnd wenden ihr hauwen zur rechten oder zur linckē / dañ es mag ohn grossen kosten mitt eisenen keilen nicht durchhauwen werden. Darzwüschen aber so die bergtheuwer ihr angnomne arbeit thündt / so erschöllenn sie das innerlich gebirg / mitt lieblichen bergtgsängen / damit sie ihr grosse vñ harte arbeit / so voller gefar / inen desterringer vñ leichter machendt. Derhalben die veste des gsteins / zerbrichet wie jett gemele dz feur / welchs nicht auff einerley weiß geschicht / dañ so ein gang in disen verschlossen / für sich von wegē seiner veste oder schnelle nicht mag außghauwen werden / vñ aber ein fel ort oder stollen niderig ist / so wirt ein hauffen dürr holz zügerthō angezündet / so es aber hoch gnüg ist / so werdē zwē hauffen holz einer über den anderē gelegt / an gezündet / die so lang brinnen / bis das feur die scheitt gar verzert hatt / welches gwalt / mitt diser weiß zum offtermals / nicht ein grossen teill des gangs ablöset / sonder allein ertliche schalen. So aber das gstein des hangendens oder ligendens mitt eisen mag gwoñen werdē / so ist der gang so vest / das man ihm mitt keinem eisen mag zukommen vñnd gwinnen / dasselbig wirt außghauwen. Es seye nuhn diser gang eintweders vor dem fel ort oder stollen / oben oder vnden / so kompt man im mitt dē feur zu / doch nicht auff